

## საქართველო

ხონის მუნიციპალიტეტის საკრებულოს ჯანდაცვისა  
და სოციალურ საკითხთა კომისიის 2023 წლის 20  
აპრილის სხდომის

ოქმი N1

**ხონის მუნიციპალიტეტის საკრებულოს**  
**ჯანდაცვისა და სოციალურ საკითხთა კომისიის სხდომის**

**ოქმი №1**

ქ. ხონი

20 აპრილი, 2023 წელი

2023 წლის 20 აპრილს ხონის მუნიციპალიტეტის საკრებულოს ჯანდაცვისა და სოციალურ საკითხთა კომისიაში მოწვეული იქნა კომისიის სხდომა. სხდომას ესწრებოდნენ: ჯანდაცვისა და სოციალურ საკითხთა კომისიის თავმჯდომარე ზაზა ვაშავიძე. კომისიის წევრები: ბაჩანა ბასილაია, ლია ღაჭავა, არჩილ საღარაძე, ნინო კუხალაშვილი, გელა ჩოგოვაძე, ნაზიბროლა გეგია, მაია სულაბერიძე, მათე ჩანქელიანი, სხდომას ასევე ესწრებოდა ხონის მუნიციპალიტეტის მერის მოადგილე მანანა გოფოძე და მერიის პირველადი სტრუქტურული ერთეული-მრომის, საზოგადოებრივი ჯანმრთელობის და სოციალური დაცვის, ვეტერანთა და იძულებით გადადგილებულ პირთა საქმეთა სამსახურის ხელმძღვანელი ლეილა კინწურაშვილი.

სხდომა გახსნა და ქვორუმის არსებობა დაადასტურა ჯანდაცვისა და სოციალურ საკითხთა კომისიის თავმჯდომარემ ზაზა ვაშავიძე. თავმჯდომარემ კომისიის წევრებს გააცნო სხდომის შემდეგი დ ღ ი ს წესრიგი:

1. ხონის მუნიციპალიტეტის შეზღუდული შესაძლებლობის მქონე პირთა უფლებების დაცვის 2023 წლის სამოქმედო გეგმის დამტკიცების შესახებ.
2. ხონის მუნიციპალიტეტის ბიუჯეტიდან „ჯანმრთელობის დაცვისა და სოციალურია უზრუნველყოფის პროგრამის დამტკიცების შესახებ“ ხონის მუნიციპალიტეტის საკრებულოს 2019 წლის 7 მარტის N 88 დადგენილებაში ცვლილების შეტანის შესახებ.

კომისიის თავმჯდომარემ კომისიის წევრებს გააცნო დღის წესრიგის პირველი საკითხი: ხონის მუნიციპალიტეტის შეზღუდული შესაძლებლობის მქონე პირთა უფლებების დაცვის 2023 წლის სამოქმედო გეგმის დამტკიცების შესახებ. ხონის მუნიციპალიტეტის მერის მოადგილემ მანანა გოფოძემ ისაუბრა შეზღუდული შესაძლებლობის მქონე პირთა უფლებების დაცვის 2023 წლის სამოქმედო გეგმაზე.

კომისიის წევრმა ბაჩანა ბასილაიამ აღნიშნა, რომ შეზღუდული შესაძლებლობის მქონე პირთა უფლებების დაცვის სამოქმედო გეგმის არსებობა არის წინ გადადგმული ნაბიჯი, ეს გეგმა არის ერთ წლიანი მაგრამ მომავალში შესაძლებელია მრავალწლიანი სამოქმედო გეგმის შემუშავება. გეგმაში შეტანილი საკითხი არ ნიშნავს იმას, რომ ეს საკითხი შესაძლებელია გადაწყდეს იმავე წელს, შესაძლებელია აღნიშნული საკითხის მოწესრიგება გადანაწილდეს რამდენიმე წელზე, ასევე შესაძლებელია უკვე დამტკიცებულ გეგმაში შევიდეს ცვლილება და დაემატოს მას ისეთ საკითხი რომლის გადაწყვეტაც აუცილებლია მოცემულ დროს მაგრამ გეგმაში არ უნდა იქნას შეტანილი ისეთი სკითხი რომლის შესრულებაც შეუძლებელი იქნება.

მსჯელობის შემდეგ კომისიის სხდომის თავმჯდომარემ საკითხი დააყენა კენჭისყრაზე:

მომხრე - 9

წინააღმდეგი - 0

კომისიამ გადაწყვიტა საკითხი გატანილ იქნას ბიუროს სხდომაზე.

კომისიის თავმჯდომარემ კომისიის წევრებს გააცნო დღის წესრიგის პირველი საკითხი: ხონის მუნიციპალიტეტის ბიუჯეტიდან „ჯანმრთელობის დაცვისა და სოციალურია უზრუნველყოფის პროგრამის დამტკიცების შესახებ „ ხონის მუნიციპალიტეტის საკრებულოს 2019 წლის 7 მარტის N 88 დადგენილებაში ცვლილების შეტანის შესახებ.

მერიის პირველადი სტრუქტურული ერთეული-შრომის, საზოგადოებრივი ჯანმრთელობის და სოციალური დაცვის, ვეტერანთა და იძულებით გადაადგილებულ პირთა საქმეთა სამსახურის ხელმძღვანელმა ლეილა კინწურაშვილმა ისაუბრა წარმოდგენილ პროექტთან დაკავშირებით კომისიის წევრების მიერ გამოითქვა მოსაზრება წარმოდგენილი პროექტის 9 პუნქტთან დაკავშირებით კერძოდ დადგენილების მე-8 მუხლის მე-2 პუნქტი ჩამოყალიბდეს შემდეგი რედაქციით „ჯანმრთელობის მდგომარეობის შესახებ ცნობა ფორმა NIV-100/ა ონკოლოგ სპეციალისტის მიერ გაცემული“.

ამასთან ერთად კომისიამ დაასკვნა რომ, განსახილველი დადგენილების პროექტით ძირითად აქტში შესატანი ცვლილებები არ შეესაბამება „ხონის მუნიციპალიტეტის 2023 წლის ბიუჯეტის დამტკიცების შესახებ“ ხონის მუნიციპალიტეტის საკრებულოს 2022 წლის 28 დეკემბრის №24 დადგენილებას. კერძოდ, ხონის მუნიციპალიტეტის 2023 წლის ბიუჯეტში 06 00 პროგრამული კოდით მოცემულ პროგრამაში „ჯანმრთელობის დაცვა და სოციალური უზრუნველყოფა“ არ არის ან განსხვავებული სახით არის მოცემული ის ქვეპროგრამები, რაც პროექტშია განსაზღვრული. ვინაიდან სოციალური დახმარების მუნიციპალური პროგრამების დაფინანსების წყაროს წარმოადგენს მუნიციპალიტეტის ბიუჯეტი, პროგრამების განხორციელების წესი, მათ შორის, სოციალური დახმარების სახე და ოდენობა, ბენეფიციართა წრე და დახმარების მიღების პირობა, ზუსტად უნდა შეესაბამებოდეს მიმდინარე წლის ბიუჯეტის ანალოგიურ პროგრამას და არ უნდა სცდებოდეს მას. გამომდინარე აღნიშნულიდან, ხონის მუნიციპალიტეტის საკრებულოს დადგენილების პროექტის მიღება მიზანშეწონილია მხოლოდ ხონის მუნიციპალიტეტის საკრებულოს 2022 წლის 28 დეკემბრის №24 დადგენილებაში თანმდევი ცვლილების განხორციელების შემთხვევაში. ზემოდ აღნიშნულიდან გამომდინარე დადგენილების პროექტი დაუბრუნდეს უკან ინიციატორს და უახლოს სხდომაზე შემოტანილ იქნას ბიუჯეტთან ერთად.

მსჯელობის შემდეგ კომისიის სხდომის თავმჯდომარემ საკითხი დააყენა კენჭისყრაზე:  
მომხრე - 9

წინააღმდეგი - 0.

საკითხების ამოწურვასთან დაკავშირების კომისიის თავმჯდომარემ კომისიის სხდომა დახურულად გამოაცხადა.

კომისიის თავმჯდომარე:

ზაზა ვაშავიძე